

ხარაგაულის მუნიციპალიტეტის ა(ა)იპ ე.კიკნაძის სახელობის სკოლამდელ
დაწესებულებათა გაერთიანების

ანგარიში

2023 წელს გაწეული მუშაობის შესახებ

ხარაგაულის მუნიციპალიტეტის ა(ა)იპ ეთერ კიკნაძის სახელობის სკოლამდელ დაწესებულებათა გაერთიანებაში 21 საბავშვო ბაღი და 2(ორი) სკოლისათვის მზაობის ჯგუფია:

1. დაბის #1 საბავშვო ბაღი;
2. დაბის #2 საბავშვო ბაღი;
3. სოფელ ხევის საბავშვო ბაღი;
4. სოფელ ხუნევის საბავშვო ბაღი;
5. სოფელ ვერტყვიჭალის საბავშვო ბაღი;
6. სოფელ გედსამანიის საბავშვო ბაღი;
7. სოფელ ნადაბურის საბავშვო ბაღი;
8. სოფელ ბორითის საბავშვო ბაღი;
9. სოფელ ღორეშის საბავშვო ბაღი;
10. სოფელ სარგვეშის საბავშვო ბაღი;
11. სოფელ კიცხის საბავშვო ბაღი;
12. სოფელ ბორის საბავშვო ბაღი;
13. სოფელ ვარძიის საბავშვო ბაღი;
14. სოფელ წყალაფორეთის საბავშვო ბაღი;
15. სოფელ ხიდრის საბავშვო ბაღი;
16. სოფელ საღანძილის საბავშვო ბაღი;
17. სოფელ ლელვანის საბავშვო ბაღი;
18. სოფელ ვახანის საბავშვო ბაღი;
19. სოფელ მოლითის საბავშვო ბაღი;
20. სოფელ წიფის საბავშვო ბაღი;
21. სოფელ ზვარის საბავშვო ბაღი;

22. სოფელ მარელისის სკოლისათვის მზაობის ჯგუფი;

23. დაბის #1 ბაღთან არსებული სკოლისათვის მზაობის ჯგუფი.

აღსანიშნავია, რომ დღეის მდგომარეობით, ჩვენგან დამოუკიდებელი მიზეზების გამო, სოფელ ხევის და სოფელ ზვარის საბავშვო ბაღები ფუნქციონირებენ როგორც სკოლისათვის მზაობის ჯგუფები. ჯგუფებში არიან შერეული ასაკის აღსაზრდელები.

2023 წელს გაერთიანების ყველა საბავშვო ბაღმა გაიარა დიაგნოსტიკური თვითშეფასების პროცესი წარმატებით, რასაც მოწმობს განათლების ხარისხის განვითარების ეროვნული ცენტრის ვებ-გვერდზე გამოქვეყნებული იმ დაწესებულებების სია, რომლებმაც შეასრულეს ადრეული და სკოლამდელი აღზრდისა და განათლების შესახებ საქართველოს კანონით გათვალისწინებული ვალდებულებები და განრიგით გათვალისწინებული ავტორიზაციის გავლამდე აქვთ კანონის ფარგლებში საქმიანობის უფლება. მათ რიცხვში შედის ჩვენი გაერთიანების ყველა სააღმზრდელო დაწესებულება, რაც ვფიქრობთ მისასალმებელია.

ადრეული აღზრდისა და განათლების ან/და სკოლამდელი აღზრდისა და განათლების დაწესებულების ავტორიზაციის მეორე სტანდარტის მოთხოვნების შესაბამისად ჩვენი გაერთიანების ყველა სააღმზრდელო დაწესებულებას აქვს წინასწარ შერჩეული კურიკულუმი, რომელიც თამაშზე დაფუძნებული და ორიენტირდება ადრეული და სკოლამდელი აღზრდისა და განათლების სახელმწიფო სტანდარტებით განსაზღვრულ მისაღწევ შედეგებზე, ოჯახისა და თემის ჩართულობაზე. სისტემატიურად მიმდინარეობს მონიტორინგი და პრაქტიკაში მხარდაჭერა ახალი კურიკულუმის დასაწერად. ამ მიმართულებით ჩატარდა ტრენინგები, სემინარები სამუშაო შეხვედრები განსაკუთრებული ყურადღება მიექცა ახლად დანიშნულ კადრებს და მულტიდისციპლინარულ გუნდთან მუშაობას. საკმაოდ შრომატევადი სამუშაო ჯერ კიდევ წინ გვაქვს, რათა სრულფასოვნად განვახორციელოთ ახალი კურიკულუმის დაგეგმვა, განხორციელება და შეფასება. სტანდარტის ის ნაწილი რომელიც მოიცავს და განსაზღვრავს პერსონალის კვალიფიკაციის ამაღლებას მეტწილად მხარდაჭერილია, რადგან პედპერსონალის 80% გადამზადებულია აღმზრდელ-პედაგოგის პროფესიული ტრენინგ-მოდულით. ახალი მოთხოვნების შესაბამისად მიმდინარეობს ბავშვებზე ობიექტური დაკვირვება და შესაბამისად საჭიროებების აღმოჩენა. სპეციალისტები აწარმოებენ ინდივიდუალურ სამუშაო გეგმებს და აქტივობებს. ეტაპობრივად ინიშნება პირადი ასისტენტები. სისტემატიურად მიმდინარეობს ყველა საბავშვო ბაღში ჯგუფისა და ეზოს ფიზიკური გარემოს მონიტორინგი. მოწმდება როგორც ბავშვების ასევე აღმზრდელთა პორტფოლიოები, თემატური

ცენტრები. გაერთიანება საჭიროებების გამოვლენის შემდეგ აწარმოებს დახმარებასა და მხარდაჭერას. სასწავლო წლის ბოლოს გადამზადდება დარჩენილი 20 აღმზრდელი სავალდებულო აღმზრდელ - პედაგოგის 66 საათიანი ტრენინგ-მოდულით.

ადრეული აღზრდისა და განათლების ან/და სკოლამდელი აღზრდისა და განათლების დაწესებულების ავტორიზაციის სტანდარტებით გაერთიანებაში შექმნილია მონიტორინგის ჯგუფი, რომელიც აწარმოებს გეგმიურ მონიტორინგს გაერთიანების ყველა სააღმზრდელო დაწესებულებაში მიმდინარე პროცესებზე (ჰიგიენა, კვება, საგანმანათლებლო). იქმნება მონიტორინგის აქტი, სადაც აღწერილია დაწესებულების დადებითი და უარყოფითი მხარეები, მოსაგვარებელი პრობლემები. ვახდენთ ყველა პრობლემაზე დროულ რეაგირებას.

მოგეხსენებათ ბავშვის განვითარებისათვის გადამწყვეტი მნიშვნელობა აქვს სიცოცხლის პირველ ექვს წელიწადს და შესაბამისად სკოლამდელ განათლებაზე ხელმისაწვდომობას. ჩვენი გაერთიანება ოჯახებთან და საზოგადოებასთან პარტნიორობით, თამაშზე დაფუძნებული სწავლის მეშვეობით, პატარებს ვუღვივებთ სწავლის სიყვარულს, ვაშენებთ მყარ საფუძველს წიგნიერებისა და ბაზისური უნარების სფეროში, ვზრდით ემპათიურ ინდივიდებად, რომლებიც მზად არიან რეალიზდნენ ცვალებად სამყაროში.

აღსაზრდელთა სიობრივი რაოდენობა 2023 წლის სექტემბრისთვის იყო 470, გაერთიანებაში ამ პერიოდისათვის დასაქმებულია 286 თანამშრომელი, აქედან 13 შტატგარეშე (ცეცხლფარეში).

2023 წლის დასაწყისში სკოლამდელ დაწესებულებათა გაერთიანების ბიუჯეტი შეადგენდა 2350000 ლარს. დაზუსტებული ხარჯთაღრიცხვა წლის ბოლოსათვის კი შეადგენდა 2310000 ლარს. 2023 წლის ფაქტიურმა ხარჯმა (შესრულაბამ) შეადგინა 2243349 ლარი. აქედან შრომის ანაზღაურებამ გაერთიანებაში დასაქმებულ 273 თანამშრომელზე შეადგინა 1718225 ლარი, შტატგარეშე (ცეცხლფარეშები) თანამშრომლების ხელფასმა 17615 ლარი. სულ ორივე მუხლით შრომის ანაზღაურებამ შეადგინა 1735840 ლარი, რაც მთლიანი შესრულების 77,4%-ია.

ხარაგაულის სკოლამდელ დაწესებულებათა გაერთიანებაში შემავალ ყველა საბავშვო ბაღში დაცულია კვების რაციონის, სანიტარული და ჰიგიენური ნორმები საქართველოს მთავრობის 2017 წლის #487 და #485 დადგენილებების საფუძველზე. გვაქვს ოთხჯერადი კვება (საუზმე, წახემსება, სადილი, სამხარი) კალორიულობის სრული დაცვით. განსაკუთრებული ყურადღება ექცევა კვების

ორგანიზების ჰიგიენური ნორმების დაცვას, კვების ბლოკის აღჭურვილობის, პროდუქტების შენახვისა და სურსათის მომზადების მოთხოვნებს.

მოვახდინეთ სამზარეულოებისათვის წინა წელს შეძენილი სამედიცინო და ზუსტი აპარატურის შეკეთება, ტექნიკური მომსახურება (დაკალიბრება) და მომსახურების ღირებულებამ შეადგენა 5385 ლარი. განვაახლეთ სამზარეულოს ინვენტარი, საბავშვო ბაღების მოთხოვნების შესაბამისად:

1. ჭურჭელი -6195 ლარი;
2. საკვების გადამამუშავებელი (ხორცსაკეპი მანქანა 4ც)-1600 ლარი.

როგორც ზემოთ აღვნიშნეთ 2023 წლის 18 სექტემბრისთვის გაერთიანებაში ირიცხებოდა 470 აღსაზრდელი. საახალწლოდ გავეცით 8545 ლარის ღირებულების საახალწლო ნობათი, ტკბილეულის სახით ყველა აღსაზრდელზე. კვებაში გაწეულმა ხარჯმა 2023 წელს შეადგინა 188250 ლარი.

გაერთიანების საბავშვო ბაღებში სურსათის ეროვნული სააგენტოს რეკომენდაციის საფუძველზე ჩატარდა სადეზინფექციო და სასმელი წყლის ვარგისიანობის ლაბორატორიული კვლევების სამუშაოები. ამასთანავე პერიოდულად, აქაც მოთხოვნების შესაბამისად, შეგვაქვს სამედიცინო ხსნარები, სადეზინფექციო, სანიტარულ-ჰიგიენური და რეცხვა/ქიმიკატების საშუალებები. ყოველივე ზემოთ ჩამოთვლილის ღირებულებამ კი 2023 წელს ჯამში 31228 ლარი შეადგინა. ყველა საბავშვო ბაღში განახლებულია წყლის ფილტრები, შევიძინეთ წყლის დიდი ტევადობის ავზები იმ საბავშვო ბაღებისათვის სადაც არ გვქონდა, 1200 ლარად (6 ცალი, წყალაფორეთი, ხიდარი, ვარძია, ლედვანი, ვახანი, წიფა).

2023 წელს „იმერეთის სახანძრო დაცვის“ მიერ ჩატარდა ხანძარსაწინააღმდეგო მოწყობილობების შეკეთება და ტექნიკური მომსახურება ღირებულება-550 ლარი.

ადრეული აღზრდისა და განათლების ან/და სკოლამდელი აღზრდისა და განათლების დაწესებულების ავტორიზაციის მეოთხე სტანდარტის მოთხოვნების შესაბამისად, სახელმწიფო რეზერვებისა და სამოქალაქო უსაფრთხოების სერვისების სააგენტოს მომსახურებამ შეადგინა 3697 ლარი.

შევიძინეთ 3910 ლარის რბილი ინვენტარი (პირსაწმენდები ყველა ბაღისათვის და ნაწილს ფარდები). გადავპენტეთ და განვაახლეთ საბნები და ლეიბები- 6100 ლარი. სურსათის ეროვნული სააგენტოს მოთხოვნის საფუძველზე, შევიძინეთ მწერების დამცავი ბადეები, ღირებულებით 4545 ლარი. როგორც

მოგესხენებათ გათბობის სეზონზე 19 საბავშვო ბაღში ვიყენებთ საშემე მერქანს, 2 საბავშვო ბაღში (ვერტევიჭალა და საღანძილე) დიზელის საწვავს, ხოლო #1 საბავშვო ბაღში ბუნებრივ აირს. წლის განმავლობაში კომუნალურმა ხარჯმა შეადგინა 133457 ლარი.

წლის განმავლობაში შეძენილი იქნა 8120 ლარის სათამაშოები და 400 ლარის ნაბეჭდი წიგნები.

არაფინანსური აქტივების ზრდის ხარჯმა შეადგინა 33808 ლარი.

მათ შორის:

1. # 1 საბავშვო ბაღის გარე ფასადის რემონტი, ხარჯთაღრიცხვით 29333 ლარი (28559+774);
2. წყლის ცენტრალურ ქსელზე დაერთება საღანძილის ბაღის 400 ლარი;
3. მაცივარი 1770 ლარი. (#1 და მოლითი);
4. ტელევიზორი (ნადაბურის) - 725 ლარი;
5. სამზარეულოს ვენტილიატორები 1580 ლარი (ვარძიის და კიციხის).

ხარაგაულის სკოლამდელ დაწესებულებათა გაერთიანების ყველა საბავშვო ბაღში სასწავლო-სააღმზრდელო პროცესი შეწყდება 2024 წლის 1 ივლისს. 1 ივლისიდან 1 აგვისტომდე დაბაში იფუნქციონირებს საზაფხულო ჯგუფი, დასაქმებული მშობლების მოთხოვნის შესაბამისად.

და ბოლოს, მადლობა ადგილობრივი ხელისუფლების წარმომადგენლებს ჩვენი ორგანიზაციის სახელით მუდმივად ჩვენს გვერდში დგომისა და მხარდაჭერისათვის.

ა(ა)იპ ე.კიკნაძის სახელობის სკოლამდელ

დაწესებულებათა გაერთიანების დირექტორი

თამარ ლაცაბიძე